

# 後漢書

第五十八本 列傳

第七十五卷

東夷

第七十六卷

南蠻 西南夷

漢書門類			
一	四	六	〇
六	一	三	六
〇	架	函	號

內閣文庫			
六	一	四	六
〇	〇	六	〇
函	架	冊	號

內閣文庫	
番號	漢 1460
冊數	60 (58)
函號	280 2



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





東夷列傳第七十五

范曄

後漢書八十五

淺草文庫

東夷傳

王制云東方曰夷夷者柢也言仁而好生萬

物柢地而出俗事見風通故天性柔順易以道御

至有君子不死之國焉山海經曰君子國衣冠帶劍食獸使二文

虎在旁外國圖曰去琅邪三萬里山海經又曰不死人在交脛東其為人黑色壽不死並

在東也夷有九種竹書紀年曰后芬發即曰畎

夷于夷方夷黃夷白夷赤夷玄夷風夷陽夷



竹書紀年曰右泄二十一年命畎夷白夷赤夷玄夷風夷陽夷右相即位二年征黃夷七年于夷來賓後少康即位方夷來賓也故孔子欲居九夷也昔

堯命羲仲宅嵎夷曰暘谷蓋日之所出也

國尚書註曰東方之地曰嵎夷暘谷日之所出也夏后氏太康失德

夷人始畔太康啓之子也盤于遊畎十旬自

少康已後世服王化遂賓於王門獻其樂舞

少康帝仲康之孫帝相子也竹書紀年曰右發即位元年諸夷賓于王門諸夷入舞桀

為暴虐諸夷內侵殷湯革命伐而定之至于

仲丁藍夷作寇仲丁殷大戊之子也竹書紀年曰仲丁即位征于藍夷也

自是或服或畔三百餘年武乙衰敝東夷漫

盛遂分遷淮岱漸居中土武乙帝庚丁之子無道為革囊盛血

仰而射之命及武王滅紂肅慎來獻石磬楛

矢管蔡畔周乃招誘夷狄周公征之遂定東

夷尚書武王崩三監及淮夷畔周公征之作大誥又曰成王既伐管叔蔡叔滅淮夷

康王之時肅慎復至後徐夷僭號乃率九夷

以伐宗周西至河上穆王畏其方熾乃分東

方諸侯命徐偃王主之博物志曰徐君官人娠而生卵以為不祥

棄於水濱孤獨母有天名鵲倉持卵棄卵銜以歸母母覆煖之遂成小兒生而偃故以為



名官人聞之乃更錄取長襲為徐君  
尸字曰偃王有筋而無骨故曰偃也  
偃王處

潢池東地方五百里  
水經注曰潢水一名注水與泡水合至沛入泗

自山陽以東海陵  
以北其地當之也行仁義陸地而朝者三十

有六國穆王後得驥騮之乘  
史記曰造父以善御幸於周穆

王得赤驥盜驪騮騮騮耳  
乃使造父御以告

楚令伐徐一日而至  
造父解見於周穆

大舉兵而滅之偃王仁而無權不忍鬪其人

故致於敗乃北走彭城武原縣東山下百姓

隨之者以萬數因名其山為徐山  
武原縣故城在今泗

州下邳縣北徐山在其東博物志曰徐王好

異不常武原縣東十里見有徐山石室祠處

偃王溝通陳蔡之間得朱弓朱矢以已得天

瑞自稱偃王穆王聞之遣使乘駟一日至楚

伐之偃王仁不忍鬪為厲王無道淮夷入寇

楚所敗北走此山也

王命虢仲征之不克宣王復命召公伐而平

之  
毛詩序曰江漢尹吉甫義宣王也能興衰

夫滔滔匪安匪游淮夷來求王及幽王淫亂

命召虎式辟四方徹我土疆  
四夷交侵至齊桓修霸攘而卻焉及楚靈會  
申亦來豫盟  
左傳楚靈王蔡侯陳侯後越遷  
琅邪與共征戰遂陵墓諸夏侵滅小邾秦并



六國其淮泗夷皆散為民戶陳涉起兵天下  
崩潰燕人衛滿避地朝鮮前書曰朝鮮王滿  
嘗略屬真番朝鮮為置吏築障漢興屬燕王  
盧縮反入匈奴叛滿亡命東走度浪水居秦故  
空地稍復屬朝鮮蠻夷及故燕齊土在者王之都險也因王其國百有

餘歲武帝滅之於是東夷始通上京王莽篡  
位貊人寇邊前書莽發高句驪兵當代伐胡不  
犯為寇州郡歸咎於高句驪侯騶嚴尤  
奏言貉人犯法不從騶起宜慰安之建武  
之初復來朝貢時遼東太守祭彤威讐北方  
擊行海表於是濊貊倭韓萬里朝獻故章和

已後使聘流通逮永初多難始入寇鈔桓靈

失政漸滋曼焉自中興之後四夷來賓雖時

有乖畔而使驛不絕○劉放曰使驛不絕案

通於四夷自前書皆言使譯使即使者譯則  
譯人故合作使譯此書內有自作使譯處明  
是後人不故國俗風土可得略記東夷率皆

土著熹飲酒歌舞或冠弁衣錦器用俎豆所

謂中國失禮求之四夷者也左傳曰仲尼學  
官名於郊子既

而告人曰吾聞之天子  
失官學在四夷其信也凡蠻夷戎狄總名四

夷者猶公侯伯子男皆號諸侯云



夫餘國在玄菟北千里南與高句驪東與挹婁西與鮮卑接北有弱水地方二千里本歲地也初北夷索離國王出行索或作囊音度洛反其侍兒於後姓身鳩反王還欲殺之侍兒曰前見天上有氣大如雞子來降我因以有身王囚之後遂生男王令置於豕牢牢圜也豕以口氣噓之不死復徙於馬蘭蘭即馬欄也馬亦如之王以為神乃聽母收養名曰東明東明長而善射王忌其猛復欲殺之東明奔走南至掩淲

水今高麗中有蓋斯水疑此水是也以弓擊水魚鼈皆聚浮

水上東明乘之得度因至夫餘而王之焉於

東夷之域最為平敞土宜五穀出名馬赤玉

貂貂似豹無前足音奴八反大珠如酸棗以負柵為城

有宮室倉庫牢獄其人麤大彊勇而謹厚不

為寇鈔以弓矢刀矛為兵以六畜名官有馬

加牛加狗加其邑落皆主屬諸加食飲用俎

豆會同拜爵洗爵揖讓升降以臘月祭天大

會連日飲食歌舞名曰迎鼓是時斷刑獄解



囚徒有軍事亦祭天殺牛以醜占其吉凶魏

日牛醜解者為行人無晝夜好歌吟音聲不

絕其俗用刑嚴急被誅者皆沒其家人為奴

婢盜一責十二男女淫皆殺之尤治惡妒婦

既殺復尸於山上兄死妻嫂死則有槨無棺

殺人殉葬多者以百數其王葬用玉匣漢朝

常豫以玉匣付玄菟郡王死則迎取以葬焉

建武中東夷諸國皆來獻見二十五年夫餘

王遣使奉貢光武厚答報之於是使命歲通

至安帝永初五年夫餘王始將步騎七八千

人寇鈔樂浪殺傷吏民後復歸附永寧元年

乃遣嗣子尉仇台詣闕貢獻天子賜尉仇台

印綬金綵順帝永和元年其王來朝京師帝

作黃門鼓吹角抵戲以遣之桓帝延熹四年

遣使朝賀貢獻永康元年王夫台將二萬餘

人寇玄菟玄菟太守公孫域擊破之斬首千

餘級至靈帝熹平三年復奉章貢獻夫餘本

屬玄菟獻帝時其王來屬遼東云



挹婁古肅慎之國也在夫餘東北千餘里東濱大海南與北沃沮接不知其北所極土地多山險人形似夫餘而言語各異有五穀麻布出赤玉好貂無君長其邑落各有大人處於山林之間土氣極寒常爲穴居以深爲貴大家至接九梯好養豕食其肉衣其皮冬以豕膏塗身厚數分以禦風寒夏則裸袒以尺布蔽其前後其人臬穢不繫作廁於中園之而居自漢興已後片屬夫餘種衆雖少而多

勇力處山險又善射發能入人目弓長四尺力如弩矢用楛長一尺八寸青石爲鏃鏃皆施毒中人即死便乘船好寇盜鄰國畏患而卒不能服東夷夫餘飲食類此皆用俎豆皆曰東夷夫餘飲食類此此皆有俎豆按此文多此一此字唯挹婁獨無法俗最無綱紀者也

高句驪在遼東之東千里南與朝鮮濊貊東與沃沮北與夫餘接地方二千里多大山深谷人隨而爲居少田業力作不足以自資故



其俗節於飲食而好修宮室東夷相傳以為

夫餘別種故言語法則多同而跪拜曳一脚

行步皆走凡有五族有消奴部絕奴部順奴

部灌奴部桂婁部按今高驪五部一曰內部

日北一部一名後部即絕奴部也三曰東部一

名左部即順奴部也四曰南部一名前部即

灌奴部也五曰西部一本消奴部為王稍微

弱後桂婁部代之其置官有相加對盧沛者

古鄒大加古鄒大加高驪掌賓丰簿優台使

者帛衣先人武帝滅朝鮮以高句驪為縣前

人其俗淫皆絜淨自憲暮夜輒男女群聚為

倡樂好祠鬼神社稷零星前書音義龍星左

也辰見禮以牛號曰零星風俗通曰辰以十

之神為靈星故以辰日祠於東南也月祭天大會名曰東盟其國東有大穴號

神亦以十月迎而祭之其公會衣服皆錦繡

金銀以自飾大加丰簿皆著幘如冠幘而無

後其小加著折風形如弁無牢獄有罪諸加

評議便殺之没入妻子為奴婢其昏姻皆就

到申定朝鮮為真番

使屬玄菟賜鼓吹伎



婦家生子長大然後將還便稍營送終之具  
金銀財幣盡於厚葬積石為封亦種松柏其  
人性凶急有氣力習戰聞好寇鈔沃沮東濊  
皆屬焉句驪一名貂耳有別種依小水為居  
因名曰小水貂出好弓所謂貂弓是也魏氏春秋  
曰遼東郡西安平縣北有小水南流入海句驪別種因名之小水貂王莽初發  
句驪兵以伐匈奴其人正欲行彊迫遣之皆  
亡出塞為寇盜遼西大尹田譚追擊戰死莽  
令其將嚴尤擊之誘句驪侯驪入塞斬之傳

首長安莽大說更名高句驪王為下句驪侯  
於是貂人寇邊愈甚建武八年高句驪遣使  
朝貢光武復其王號二十三年冬句驪蠶支  
落大加戴升等萬餘口詣樂浪內屬二十五  
年春句驪寇右北平漁陽上谷太原而遼東  
太守祭彤以恩信招之皆復款塞後句驪王  
宮坐而開自能視國人懷之及長勇壯數犯  
邊境和帝元興元年春復入遼東寇略六縣  
太守耿夔擊破之斬其渠帥安帝永初五年



官遣使貢獻求屬玄菟元初五年復與濊貊

寇玄菟攻華麗城華麗縣屬樂浪郡建光元年春幽

州刺史馮煥玄菟太守姚光遼東太守蔡諷

等將兵出塞擊之捕斬濊貊渠帥獲兵馬財

物官乃遣嗣子遂成將二千餘人送光等遣

使詐降光等信之遂成因據險阨以遮大軍

而潛遣三千人攻玄菟遼東焚城郭殺傷二

千餘人於是發廣陽漁陽右北平涿郡屬國

三千餘騎同救之而貊人已去夏復與遼東

鮮卑八千餘人攻遼隊縣名屬遼東郡也殺掠吏人

蔡諷等追擊於新昌戰歿功曹耿耗兵曹掾

龍端兵馬掾公孫輔以身扞諷俱歿於陳死

者百餘人秋官遂率馬韓濊貊數千騎圍玄

菟夫餘王遣子尉仇台將二萬餘人與州郡

并力討破之斬首五百餘級是歲官死子遂

成立姚光上言欲因其喪發兵擊之議者皆

以為可許尚書陳忠曰官前桀黠光不能討

死而擊之非義也宜遣弔問因責讓前罪赦



不加誅取其後善安帝從之明年遂成還漢  
生口詣玄菟降詔曰遂成等桀逆無狀當斬  
斷菹醢以示百姓幸會赦令乞罪請降鮮卑  
濊貊連年寇鈔驅略小民動以千數而裁送  
數十百人非向化之心也自今以後不與縣  
官戰鬪而自以親附送生口者皆與贖直縑  
人四十匹小口半之遂成死子作固立其後  
濊貊率服東垂少事順帝陽嘉元年置玄菟  
郡屯由六部質桓之閒復犯遼東西安帝殺

帶方令

郡國志西安平帶方縣並屬遼東郡

掠得樂浪太守妻

子建寧二年玄菟太守耿臨討之斬首數百

級伯固降服乞屬玄菟云

東沃沮在高句驪蓋馬大山之東

蓋馬縣名屬玄菟郡

其山在今平壤城西平壤即王險城也

東濱大海北與挹婁夫

餘南與濊貊接其地東西夾南北長

夾音可

折方千里土肥美背山向海宜五穀善田種

有邑落長帥人性質直彊勇便持矛步戰言

語食飲居處衣服有似句驪其葬作大木槨



長十餘丈開一頭爲戶新死者先假埋之令  
皮肉盡乃取骨置櫛中家人皆共一櫛刻木  
如主隨死者爲數焉武帝滅朝鮮以沃沮地  
爲玄菟郡後爲夷貊所侵徙郡於高句驪西  
北更以沃沮爲縣屬樂浪東部都尉至光武  
罷都尉官後皆以封其渠帥爲沃沮侯其土  
迫小介於大國之間遂臣屬句驪句驪復置  
其中大人遂爲使者以相監領責其租稅貂  
布魚鹽海中食物發美女爲婢妾焉又有北

沃沮一名置溝婁去南沃沮八百餘里其俗  
皆與南同界南接挹婁挹婁人喜乘船寇抄  
北沃沮畏之每夏輒藏於巖穴至冬船道不  
通乃下居邑落其耆老言嘗於海中得一布  
衣其形如中人衣而兩袖長三丈又於岸際  
見一人乘破船頂中復有面與語不通不食  
而死又說海中有女國無男人或傳其國有  
神井闕之輒生子云

魏志曰毋丘儉遣王傾  
追句驪王富窮沃沮東

界問其耆  
老所傳云



濊北與高句驪沃沮南與辰韓接東窮大海  
西至樂浪濊及沃沮句驪本皆朝鮮之地也  
昔武王封箕子於朝鮮箕子教以禮義田蠶  
又制八條之教前書曰箕子教以八條者相殺者以當時償殺相傷者以穀償相盜者男沒入為其家奴女子為婢欲自贖者八人五十萬音義曰八條不具見也  
其人終不相盜無門戶之閉婦人負信飲食  
以籩豆其後四十餘世至朝鮮侯準自稱王  
漢初大亂燕齊趙人往避地者數萬口而燕  
人衛滿擊破準而自王朝朝鮮傳國至孫右渠

元朔元年武帝年也濊君南閭等畔右渠率二十  
八萬口詣遼東內屬武帝以其地為蒼海郡  
數年乃罷至元封三年滅朝鮮分置樂浪臨  
屯玄菟真番四部番音潘至昭帝始元五年罷  
臨屯真番以并樂浪玄菟玄菟復徙居句驪  
自單大領已東沃沮濊貊悉屬樂浪後以境  
土廣遠復分領東七縣置樂浪東部都尉自  
內屬已後風俗稍薄法禁亦侵多至有六十  
餘條建武六年省都尉官遂棄領東地悉封



其渠帥為縣侯皆歲時朝賀無大君長其官  
有侯邑君三老者舊自謂與句驪同種言語  
法俗大抵相類其人性愚慤少嗜欲不請句  
男女皆衣曲領其俗重山川山川各有部界  
不得妄相干涉同姓不昏多所忌諱疾病死  
亡輒捐棄舊宅更造新居知種麻養蠶作綿  
布曉候星宿豫知年歲豐約常用十月祭天  
晝夜飲酒歌舞名之為舞天又祠虎以為神  
邑落有相侵犯者輒相罰責生口牛馬名之

為責禍殺入者償死少寇盜能步戰作示  
三丈或數人共持之樂浪擅弓出其地又  
文豹有果下馬高三尺乘之可下海出班魚使  
來皆獻之

韓有三種一曰馬韓二曰辰韓三曰弁辰馬  
韓在西有五十四國其北與樂浪南與倭接  
辰韓在東十有二國其北與濊貊接弁辰在  
辰韓之南亦十有二國其南亦與倭接凡七  
十八國伯濟是其一國焉大者萬餘戶小者



數千家各在山海閒地合方四千餘里東西  
以海爲限皆古之辰國也馬韓最大共立其  
種爲辰主都自支國盡王三韓之地其諸國  
王先皆是馬韓種人焉馬韓人知田蠶作絲  
布出大栗如梨有長尾雞尾長五尺邑落雜  
居亦無城郭作土室形如冢開戶在上不知  
跪拜無長幼男女之別不貴金寶錦窳不知  
騎乘牛馬唯重瓔珠以綴衣爲飾及懸頭垂  
耳耳大率皆魁頭露紒魁頭猶科頭也謂以紒  
繫繞成科結也俗云

布袍草履其人壯勇少年有築室作力者輒  
以繩貫脊皮繩以大木木嚙呼爲健常以五月  
田竟祭鬼神晝夜酒會群聚歌舞舞輒數十  
人相隨蹋地爲節十月農功畢亦復如之諸  
國邑各以一人主祭天神號爲天君又立菴  
塗魏志曰諸國各有別邑爲菴塗諸土述建至其中皆不還之蘇塗之義有似浮屠者  
大木以懸鈴鼓事鬼神其南界近倭亦有文  
身者辰韓耆老自言秦之亡人避苦役適韓  
國馬韓割東界地與之其名國爲邦弓爲弧



賊爲寇行酒爲行觴相呼爲徒有似秦語故  
或名之爲秦韓有城柵屋室諸小別邑各有  
渠帥大者名臣智次有儉側次有樊祗次有  
殺奚次有邑借皆其官名土地肥美宜五穀知蠶  
桑作縑布乘駕牛馬嫁娶以禮行者讓路國  
出鐵歲倭馬韓並從市之凡諸貿易皆以鐵  
爲貨俗喜歌舞飲酒鼓瑟兒生飲令其頭扁  
皆押之以石扁音補典反弁辰與辰韓雜居城郭  
衣服皆同言語風俗有異其人形皆長大美

髮衣服繫清而刑法嚴峻其國近倭故頗有  
文身者初朝鮮王準爲衛滿所破乃將其餘  
衆數千人走入海攻馬韓破之自立爲韓王  
準後滅絕馬韓人復自立爲辰王建武二十  
年韓人廉斯人蕪馬謨等詣樂浪貢獻廉斯音是  
光武封蘇馬謨爲漢廣斯邑君使屬樂  
浪郡四時朝謁靈帝末韓滅並盛郡縣不能  
制百姓苦亂多流亡入韓者馬韓之西海島  
上有列胡國其人短小髡頭衣韋衣有上無



下好養牛豕乘船往來貨市韓中

倭在韓東南大海中依山島為居凡百餘國

自武帝滅朝鮮使驛○劉攽曰使驛按通於當作譯說已見上

漢者三十許國國皆稱王世世傳統其大倭

王居邪馬臺國按今名邪摩推音之訛也樂浪郡徼去其

國萬二千里去其西北界拘邪韓國七千餘

里其地大較在會稽東冶之東與朱崖儋耳

相近故其法俗多同土宜禾稻麻紵蠶桑和

織績為縑布出白珠青玉其山有丹土氣溫

暖冬夏生菜茹無牛馬虎豹羊鵲鵲或作鷄其兵

有矛楛木弓竹矢或以骨為鏃男子皆黥面

文身以其文左右大小別尊卑之差其男衣

皆橫幅結束相連女人被髮屈紒衣如單被

黃頭而著之並丹朱粉身說文曰粉塵也音蒲頓反如中

國之用粉也有城柵屋室父母兄弟異處唯

會同男女無別飲食以手而用籩豆俗皆徒

跣以蹲踞為恭敬人性嗜酒多壽考至百餘

歲者甚衆國多女子大人皆有四五妻其餘



或兩或三女人不淫不妒又俗不盜竊少爭訟犯法者沒其妻子重者滅其門族其死停喪十餘日家人哭泣不進酒食而等類就歌舞爲樂灼骨以下用決吉凶行來度海令人不櫛沐不食肉不近婦人名曰持衰若在塗吉利則雇以財物如病疾遭害以爲持衰不謹便共殺之建武中元二年倭奴國奉貢朝賀使人自稱大夫倭國之極南界也光武賜以印綬安帝永初元年倭國王帥升等獻

生口百六十人願請見桓靈閒倭國大亂更相攻伐歷年無主有一女子名曰卑彌呼年長不嫁事鬼神道能以妖惑衆於是共立爲王侍婢千人少有見者唯有男子一人給飲食傳辭語居處宮室樓觀城柵皆持兵守衛法俗嚴峻自女王國東度海千餘里至拘奴國雖皆倭種而不屬女王自女王國南四千餘里至朱儒國人長三四尺自朱儒東南行船一年至裸國黑齒國使驛所傳極於此矣



會稽海外有東鯤人鯨音達分爲二十餘國

又有夷洲及澶洲傳言秦始皇遣方士徐福

將童男女數千人入海史事見求蓬萊神仙不

得徐福畏誅不敢還遂止此洲世世相承有

數萬家人民時至會稽市會稽東冶縣人有

入海行遭風流移至澶洲者所在絕遠不可

往來沉瑩臨海水志曰夷洲在臨海東南

去郡二千里土地無霜雪草木不死四

面是山谿人皆髡髮穿耳女人不穿耳土地

饒沃既生五穀又多魚肉有大尾短如麋尾

狀此夷舅姑子婦卧息共一

大牀略不相避

地有銅鐵唯用鹿格爲矛以戰鬪摩礪青石

以作弓矢取生魚肉雜射大瓦器中以鹽

鹵之歷月餘日仍啖食之以爲上者也

論曰昔箕子違衰殷之運避地朝鮮始其國

俗未有聞也及施八條之約使人知禁遂乃

亡無滯盜門不夜扃扃音關回頑薄之俗就寬

略之法行數百千年故東夷通以柔謹爲風

異乎三方者也苟政之所暢則道義存焉仲

尼懷憤以爲九夷可居或疑其陋子曰君子

居之何陋之有亦徒有以焉爾其後遂通接

商賈漸交上國而燕人衛滿擾雜其風擾亂也



於是從而澆異焉老子曰法令滋章盜賊多有若箕子之省簡交條而用信義其得聖賢作法之原矣

贊曰宅是嶠夷曰乃暘谷巢山潛海厥區九

族羸末紛亂燕人違難謂備滿也雜華澆本遂通

有漢備滿入朝鮮既雜華夏之風又澆薄其本化以至通於漢也眇眇偏

譯或或從畔偏遠也

東夷列傳第七十五 終

王 師道 校正

南蠻西南夷列傳第七十六

范曄 後漢書八十六

南蠻

西南夷

昔高辛氏有犬戎之寇高辛帝帝患其侵暴而

征伐不剋乃訪募天下有能得犬戎之將吳

將軍頭者購黃金千鎰邑萬家又妻以少女

時帝有畜狗其毛五采名曰槃瓠魏略曰高辛氏有老

婦居正室得耳疾批之乃得物大如繭婦人

盛瓠中覆之以槃俄頃化為犬其文五色因

下令之後槃瓠遂銜人頭造闕下群臣



怪而診之乃吳將軍首也診候視也帝大喜而計

槃瓠不可妻之以女又無封爵之道議欲有

報而未知所宜女聞之以為帝皇下令不可

違信因請行帝不得已乃以女配槃瓠

得女負而走入南山止石室中所處險絕人

跡不至今辰州廬溪縣西有武山黃閔武陵

記曰山高可萬仞山半有槃瓠石室

可容數萬人中有石牀槃瓠行跡今按山窟

前有石羊石獸古跡奇異尤多望石窟大如

三間屋遙見一石仍似狗形於是女解去衣

裳為僕鑿之結著獨力之衣僕鑿獨力皆未詳

風雨震晦使者不得進經三年生子一十二

人六男六女槃瓠死後因自相夫妻織績木

皮染以草實好五色衣服製裁皆有尾形

晉紀曰武陵長沙廬江郡夷槃瓠之後也雜

處五溪之內槃瓠馬山阻險每每常為害採

雜魚肉叩槽而號以祭槃瓠其母後歸以狀

白帝於是使迎致諸子衣裳班蘭語言侏離

侏離蠻夷好入山壑不樂平曠帝順其意賜

以名山廣澤其後滋蔓號曰蠻夷外癡內黠

改監字為豎者妄穿鑿也結音髻

帝悲思之遣使尋求輒遇

僕鑿獨力皆未詳



安土重舊以先父有功母帝之女田作賈販

無關染符傳租稅之賦優寵之故蠲其賦役

居酉上就上就武陽三鄉唯此是繁有邑君

長皆賜印綬冠用獺皮名渠帥曰精夫相呼

為殃徒說文曰殃女人自稱殃我也音烏朗反此已上並見風俗通也今長

沙武陵蠻是也其在唐虞與之要質故曰要

服夏商之時漸為邊患逮于周世黨眾彌盛

宣王中興乃命方叔南伐蠻方詩人所謂蠻

荆來威者也又曰蠢爾蠻荆大邦為誰毛詩小雅

序曰采芑宣王南征也薄言采芑于彼新田顯允方叔振旅闐闐蠢爾蠻荆大邦為讎注

云方叔將也明其黨眾繁多是以抗敵諸夏

也平王東遷蠻遂侵暴上國晉文侯輔政乃

率蔡共侯擊破之晉文侯至楚武王時蠻與

羅子共敗楚師殺其將屈瑕左傳楚屈瑕伐

濟其水遂無次且不設備羅與盧戎兩軍之大敗之莫敖縶于荒谷群帥囚于冶父也

莊王初立莊王名旅民飢兵弱復為所寇楚

師既振然後乃服自是遂屬於楚鄢陵之役

蠻與恭王合兵擊晉左傳晉楚戰于鄢陵晉郤至曰楚二卿相惡王



卒以舊鄭陳而不  
整蠻軍而不東也  
及吳起相悼王南并蠻越

遂有洞庭蒼梧秦昭王使百起伐楚略取蠻

夷始置黔中郡漢興改為武陵黔中故城在今辰州沅陵

西歲令太人輸布一匹小口二丈是謂賓布

說文曰南蠻賦也賓群冬反雖時為寇盜而不足為郡國

患光武中興武陵蠻夷特盛建武二十三年

精夫相單程等據其險隘大寇郡縣遣武威

將軍劉尚發南郡長沙武陵兵萬餘人乘船

泝沅水入武谿擊之沅水出群柯故且蘭東北經辰州潭州岳州經

洞庭湖也尚輕敵入險山深水疾舟船不得上

蠻氏知尚糧少入遠又不曉道徑遂屯聚守

險尚食盡引還蠻緣路徼戰尚軍大敗悉為

所沒二十四年相單程等下攻臨沅遣謁者

李嵩中山太守馬成擊之不能克明年春遣

伏波將軍馬援中郎將劉匡馬武孫永等將

兵至臨沅擊破之單程等飢困乞降會援病

卒謁者宗均聽悉受降為置吏司群蠻遂平

肅宗建初元年武陵澧中蠻陳從等反叛入



零陽蠻界零陽縣屬武陵郡其冬零陽蠻五里精夫

為郡擊破從從等皆降三年冬淩中蠻覃兒

健等復反淩水名源出今澧州崇義縣也攻燒零陽作唐屬

陵界中作唐縣屬武陵郡屬陵縣故城在明

年春發荊州七郡及汝南潁川弛刑徒吏士

五千餘人拒守零陽募充中五里蠻精夫不

叛者四千人擊澧中賊充縣屬武陵郡充音衙五年春

覃兒健等請降不許郡因進兵與戰於宏下

大破之斬兒健首餘皆奔營走還淩中復遣

乞降乃受之於是罷武陵屯兵賞賜各有差

和帝永元四年冬淩中澧中蠻潭戎等反燔

燒郵亭殺略吏民郡兵擊破降之安帝元初

二年澧中蠻以郡縣徭稅失平懷怨恨遂結

充中諸種二千餘人攻城殺長吏州郡募五

里蠻六亭兵追擊破之皆散降賜五里六亭

渠帥金帛各有差明年秋淩中澧中蠻四千

人並為盜賊又零陵蠻羊孫陳湯等千餘人

零陵縣屬武陵郡也著赤幘稱將軍燒官寺抄掠百姓



州郡募善蠻討平之順帝永和元年武陵太守上書以蠻夷率服可比漢人增其租賦議者皆以為可尚書令虞詡獨奏曰自古聖王不臣異俗非德不能及威不能加知其獸心貪婪難率以禮是故羈縻而綏撫之附則受而不逆叛則弃而不追先帝舊典貢稅多少所由來久矣今猥增之必有怨叛計其所得不償所費必有後悔帝不從其冬澧中漢中蠻果率貢布非舊約遂殺鄉吏舉種反叛明

年春蠻一萬人圍沅城八千人寇夷道遣武陵太守李進討破之斬首數百級餘皆降服進乃簡選良吏得其情和在郡九年梁太后臨朝下詔增進秩二千石賜錢二十萬桓帝元嘉元年秋武陵蠻詹山等四千餘人反叛拘執縣令屯結深山至永興元年太守應奉以恩信招誘皆悉降散永壽三年十一月長沙蠻反叛屯益陽至延熹二年秋遂抄掠郡界衆至萬餘人殺傷長吏又零陵蠻入長沙



冬武陵蠻六千餘人寇江陵荆州刺史劉度  
謁者馬睦南郡太守李肅皆奔走肅主簿胡  
爽扣馬首諫曰蠻夷見郡無做備故敢乘閒  
而進明府爲國大臣連城千里鑿旌鳴鼓應  
聲十萬奈何委符守之重而爲逋逃之人乎  
肅拔刃向爽曰掾促去太守今急何暇此計  
爽抱馬固諫肅遂殺爽而走帝聞之徵肅弃  
市度睦減死一等復爽門閭拜家一人爲  
郎於是以前校令度尚爲荆州刺史討長沙

賊平之又遣車騎將軍馮緄討武陵蠻並皆  
降散軍還賊復寇桂陽太守廖祈奔走廖音力  
反武陵蠻亦更攻其郡太守陳奉率吏人擊  
破之斬首三千餘級降者二千餘人至靈帝  
中平三年武陵蠻復寇郡界列郡擊破之禮  
記稱南方曰蠻雕題交趾其俗男女同川而  
浴故曰交趾題額也雕之謂刻其肌以丹青涅也其西有噉人  
國生首子輒解而食之謂之宜弟味旨則以  
遺其君君喜而賞其父取妻美則讓其兄今



烏澗人是也

萬震南州異物志曰烏澗地名也。在廣列之南，交州之北。恒出

道間伺候，行旅輒出擊之，利得人食之，不貪其財貨，並以其肉為肴，道又取其觸體破之，以飲酒，以食長老。交趾之南有越裳國，周公

居攝六年，制禮作樂，天下和平。越裳以三象

重譯而獻白雉，曰：道路悠遠，山川阻深，音使

不通，故重譯而朝。成王以歸，周公曰：德不

加焉，則君子不饗其質。質亦政不施焉，則君

子不臣其人。吾何以獲此賜也？其使請曰：吾

受命吾國之黃耆。爾雅曰：黃髮曰耆。背者老壽也。曰：久矣！天

之無烈風雷雨

尚書大傳作別風注雨

意者中國有聖

人乎？有則盍往朝之。周公乃歸之於王。

尚書

大傳稱先王之神，致以薦于宗廟。周德既衰，於

是稍絕。及楚子稱霸，朝貢百越，秦并天下，威

服蠻夷，始開領外，置南海、桂林、象郡。漢興，尉

佗自立為南越王，傳國五世。

前書南粵王趙佗，真定人也。秦

時為南海尉，佗孫胡胡

子嬰齊，嬰齊子興也。至武帝元鼎五年，遂

滅之，分置九郡，交趾刺史領焉。其珠崖儋耳

二郡在海洲，上東西千里，南北五百里，其渠



帥貴長耳皆穿而縋之垂肩三寸武帝末珠崖太守會稽孫幸調廣幅布獻之蠻不堪役遂攻郡殺幸幸子豹合率善人還復破之自領郡事討擊餘黨連年乃平豹遣使封還印綬上書言狀制詔即以豹為珠崖太守也即就威政大行獻命歲至中國貪其珍賂漸相侵侮故率數歲一反元帝初元三年遂罷之凡六郡六十五歲逮王莽輔政元始二年日南之南黃支國來獻犀牛凡交趾所統雖置郡

縣而言語各異重譯乃通人如禽獸長幼無別項髻徒跣為髻於頂上也以布貫頭而著之後頗徙中國罪人使雜居其閒乃稍知言語漸見禮化光武中興錫光為交趾任延字九真於是教其耕稼制為冠履初設媒娉始知姻娶建立學校導之禮義建武十二年九真徵外蠻里張游里蠻之別號今呼為俚人率種人慕化內屬封為歸漢里君明年南越徵外蠻夷獻白雉白菟至六十年交趾女子徵側及其妹徵貳反



攻郡徵側者麓泠縣雜將之女也麓音莫

嫁為朱翫人詩索妻甚雄勇交趾太守蘇定

以法繩之側忿故反於是九真日南合浦蠻

里皆應之凡略六十五城自立為王交趾刺

史及諸太守僅得自守光武乃詔長沙合浦

交趾具車船修道橋通障谿儲糧穀十八年

遣伏波將軍馬援樓船將軍段志發長沙桂

陽零陵蒼梧兵萬餘人討之明年夏四月援

破交趾斬徵側徵貳等餘皆降散建擊九真

賊都陽等破降之徙其渠帥三百餘口於零

陵於是領表悉平肅宗元和元年日南徼外

蠻夷究不事人究不事人蠻夷別號也邑豪獻生犀白

雉和帝永元十二年夏四月日南象林蠻夷

二千餘人寇掠百姓燔燒官寺郡縣發兵討

擊斬其渠帥餘衆乃降於是置象林將兵長

史以防其患安帝永初元年九真徼外夜郎

蠻夷舉土內屬開境千八百四十里元初二

年蒼梧蠻夷反叛明年遂招誘鬱林合浦蠻



漢數千人攻蒼梧郡鄧太后遣侍御史任連  
卓音卓奉詔赦之賊皆降散延光元年九真徼外  
蠻貢獻內屬三年日南徼外蠻復來內屬順  
帝永建六年日南徼外葉調王便遣使貢獻  
帝賜調便金印紫綬劉攽曰案國名葉調  
其王各便此作調便衍  
一調也末和二年日南象林徼外蠻夷區憐等  
數千人攻象林縣燒城寺殺長吏交阯刺史  
樊演發交阯九真二郡兵萬餘人救之兵士  
憚遠役遂反攻其府二郡雖擊破反者而賊

勢轉盛會侍御史賈昌使在日南即與州郡  
并力討之不利遂為所攻圍歲餘而兵穀不  
繼帝以為憂明年召公卿百官及四府掾屬  
問其方略皆議遣大將發荆揚兗豫四萬人  
赴之大將軍從事中郎李固駁曰若荆揚無  
事發之可也今二州盜賊槃結不散武陵南  
郡蠻夷未輯長沙桂陽數被徵發如復擾動  
必更生患其不可一也又兗豫之人卒被徵  
發遠赴萬里無有還期詔書迫促必致叛亡



其不可二也南州水土温暑加有瘴氣致死  
亡者十必四五ナラス其不可三也遠涉萬里士卒  
疲勞二休三比至領南不復堪鬪其不可四也軍行  
三十里為程而去日南九千餘里三百日乃  
到計人稟五升古升小故用米六十萬斛不  
計將吏驢馬之食但負甲自致費便若此其  
不可五也設軍到所在死亡必衆既不足禦  
敵當復更發此為刻割心腹以補四支其不  
可六也九真日南相去千里發其吏民猶尚

不堪何況乃苦四州之卒以赴萬里之艱哉  
其不可七也前中郎將尹就討益州叛羌益  
州諺曰虜來尚可尹來殺我後就徵還以兵  
付刺史張喬喬因其將吏旬月之間破殄寇  
虜此發將無益之効州郡可任之驗也宜更  
選有勇略仁惠任將帥者以為刺史太守悉  
使共住交阯今日南兵單無穀守既不足戰  
又不能可一切徙其吏民ヒトヲ比依交阯事靜之  
後乃命歸本還募蠻夷使自相攻轉輸金帛



以為其資有能反間致頭首者許以封侯列  
土之賞故并州刺史長沙祝良性多勇決又  
南陽張喬前在益列有破虜之功皆可任用  
昔太宗就加魏尚為雲中守前書曰魏尚為雲中守  
以斬首補虜上功不實免馮唐言之于文帝  
帝令唐持節赦尚復以為雲中守  
注前書曰按哀帝即拜龔舍為太山太守  
文多一曰字  
日舍字君倩初徵為諫議大夫病免復徵為  
博士又病去頃之哀帝遣使即楚拜舍為太  
山太守  
宜即拜良等便道之官四府悉從固議  
即拜祝良為九真太守張喬為交趾刺史喬

至開示慰誘並皆降散良到九真單車入賊  
中設方略招以威信降者數萬人皆為良築  
起府寺由是領外復平建康元年日南蠻夷  
千餘人復攻燒縣邑遂扇動九真與相連結  
交趾刺史九江夏方開恩招誘賊皆降服時  
梁太后臨朝羨方之功遷為桂陽太守桓帝  
末壽三年居風令貪暴無度縣人朱達等及  
蠻夷相聚攻殺縣令眾至四千人進攻九  
真九真太守兒式戰死兒音五詔賜錢六十



萬拜子二人爲郎遣九真都尉魏朗討破之  
斬首二千級渠帥猶屯據日南衆轉疆盛延  
熹三年詔復拜夏方爲交阯刺史方威惠素  
著日南宿賊聞之二萬餘人相率詣方降靈  
帝建寧三年鬱林太守谷永以恩信招降烏  
潯人十餘萬內屬皆受冠帶開置七縣熹平  
二年冬十二月日南徼外國重譯貢獻光和  
元年交阯合浦烏潯蠻反叛招誘九真日南  
合數萬人攻沒郡縣四年刺史朱雋擊破之

六年日南徼外國復來貢獻

巴郡南郡蠻本有五姓巴氏樊氏矐氏音相

氏鄭氏皆出於武落鍾離山代本曰廩君之先故出巫誕也

其山有赤黑二穴巴氏之子生於赤穴四姓

之子皆生黑穴未有君長俛事鬼神乃共擲

劍於石穴約能中者奉以爲君巴氏子務相

乃獨中之衆皆歎又令各乘土船約能浮者

當以爲君餘姓悉沉唯務相獨浮因共立之

是爲廩君乃乘土船從夷水至鹽陽荆州圖曰副夷



縣西有溫泉古者相傳此泉元出鹽于今水  
有鹽氣縣西一獨山有石穴有二大石並立  
穴中相去可一丈俗名爲陰陽石陰石常濕  
陽石常燥盛弘之荊州記曰昔廩君浮夷水  
射鹽神于陽石之上案今施州清江縣水一  
名鹽水源出清江縣西都亭山水經云夷水  
巴郡魚復縣注云水色清照十丈分沙石蜀  
人見澄清因名清江也○劉攽曰注夷水巴  
郡魚復縣按鹽水有神女謂廩君曰此地廣  
大魚鹽所出願留共居廩君不許鹽神暮輒  
來取宿且即化爲蟲與諸蟲群飛掩蔽日光  
天地晦冥積十餘日廩君思其便因射殺之  
天乃開明代本曰廩君使人操青縷以遺鹽  
神曰嬰此即相宜云與女俱生宜

將去鹽神受縷而嬰之廩君即立陽石上  
青縷而射之中鹽神鹽神死天乃大開也○  
劉攽曰注即相宜云與女俱生宜將去按文少一不字廩君於是君乎  
夷城此巴上並四姓皆臣之廩君死魂魄世  
爲白虎巴氏以虎飲人血遂以人祠焉及秦  
惠王并巴中以巴氏爲蠻夷君長世尚秦女  
其民爵比不更劉攽曰按巴氏之君可有  
爵取氏何故輒得之明行民  
字有罪得以爵除其君長歲出賦二千一十  
六錢三歲一出義賦千八百錢其民戶出嫁  
布八丈二尺雞羽三十錢說文幪南蠻夷布  
也音公亞反毛詩



四鑊既均，儀禮矢一鑊。一乘鄭玄注曰：鑊，猶供也。僕物而射之也。三十鑊，一百四十九，俗本。檄作蒙鑊，作鑊者，金誤也。○劉放曰：注按鑊三十一，當九十一。若四矢為一鑊，則三百六十，無緣得一百。四漢興南郡太守勒疆請一依秦十九未詳

時故事至建武二十三年南郡潯山蠻雷遷等始反叛，屠音寇掠百姓，遣武威將軍劉尚將萬餘人討破之，徙其種人七千餘口置江夏界中。今河中蠻是也。和帝永元十三年巫蠻許聖等巫縣屬南郡以郡收稅不均，懷怨恨，遂屯聚反叛。明年夏遣使者督荊州諸郡兵萬

餘人討之。聖等依憑沮隘，久不破。諸軍乃分道並進，或自巴郡魚復數路攻之。蠻乃散走，斬其渠帥，乘勝追之，大破。聖等乞降，復悉徙置江夏。靈帝建寧二年江夏蠻叛，州郡討平之。光和三年江夏蠻復反，與廬江賊黃攘相連結，十餘萬人攻沒四縣。寇患累年，廬江太守陸康討破之，餘悉降散。

板楯蠻夷者，秦昭襄王時有一白虎常從群虎數遊秦蜀巴漢之境，傷害千餘人。昭王乃



重募國中有能殺虎者賞邑萬家金百鎰時

有巴郡閬中夷人能作白竹之弩乃登樓射

殺白虎華陽國志曰巴夷昭王嘉之而以其

夷人不欲加封乃刻石盟要復夷人頃田不

租十妻不筭優寵之故一戶免其一頃田之稅雖有十妻不輸一石筭之錢後

音傷人者論殺人得以俸錢贖死何承天纂

夷贖罪貨也音徒濫反盟曰秦犯夷輸黃龍一雙夷犯

秦輸清酒一鍾夷人安之至高祖為漢王發

夷人還伐三秦秦地既定乃遣還巴中復其

渠帥羅朴督鄂度夕龔七姓不輸租賦餘戶

乃歲入實錢口四十世號為板楛蠻夷閬中

有渝水其人多居水左右天性勁勇初為漢

前鋒數陷陳俗喜歌舞喜音虛高祖觀之曰

此武王伐紂之歌也乃命樂人習之所謂巴

渝舞也遂世世服從至于中興郡守常率以

征伐桓帝之世板楛數反太守蜀郡趙溫以

恩信降服之靈帝光和三年巴郡板楛復叛

寇掠三蜀及漢中諸郡靈帝遣御史中丞蕭



瑗督益州，兵討之。連年不能克。帝欲大發兵，乃問益州計吏。考以征討方略。漢中上計程包對曰：「板楯七姓射殺白虎立功，先世復爲義人，其人勇猛，善於兵戰。昔求初中，羌入漢川，郡縣破壞，得板楯救之，羌死，殆盡。故號爲神兵，羌人畏忌，傳語種輩勿復南行。至建和二年，羌復大入，實賴板楯連摧破之。前車騎將軍馮緄南征武陵，雖受丹陽精兵之銳，史記曰：周成王封楚熊繹始居丹陽，今歸州，秭歸縣東南，故城是也。至楚文王始自丹陽。

遷於郢，續漢志云：南郡枝江縣有丹陽聚也。

亦倚板楯以成其功。

近益州郡亂，太守李顥亦以板楯討而平之。忠功於此，本無惡心。長吏鄉亭更賦至重，僕役籌楚過於奴虜，亦有嫁妻賣子，或乃至自頸割。雖陳寃列郡而牧守不爲通理，闕庭悠遠不能自聞，含怨呼天，叩心窮谷，愁苦賦役困羅，酷刑故邑，落相聚以致叛戾，非有謀主，僭號以圖不軌。今但選明能牧守，自然安集，不煩征伐也。帝從其言，遣太守曹謙宣詔赦。



之即皆降伏至中平五年巴列郡黃巾賊起  
板楯蠻夷因此復叛寇掠城邑遣西園上軍  
別部司馬趙瑾討平之

西南夷者在蜀郡徼外有夜郎國東接交阯  
西有滇國北有邛都國各立君長其人皆椎

結左衽邑聚而居能耕田其外又有雋昆明

諸洛西極同師東北至葉榆葉榆縣屬益州

賢案前書曰西曰同師以東北至葉榆名爲

舊昆明今流俗諸本並作布舊昆明蓋雋字  
誤分爲地方數千里無君長辮髮隨畜遷徙

無常自雋東北有柞都國東北有冉駹國或

土著或隨畜遷徙自冉駹東北有白馬國氏

種是也此三國亦有君長

夜郎者初有女子浣於遯水有三節大竹流

入足聞聞其中有號聲剖竹視之得一男兒

歸而養之及長有才武自立爲夜郎侯以竹

爲姓見華陽武帝元鼎六年平南夷爲牂柯

郡夜郎侯迎降天子賜其三印綬後遂殺之

夷獠咸以竹王非血氣所生甚重之求爲立



後泮柯太守吳霸以聞天子乃封其三子為

侯死配食其父今夜郎縣有竹主三郎神是

也前書地理志曰夜郎縣有遯水東至廣鬱

靈響又云竹王所始破竹於野成竹林今王

祠或作竹林是也王嘗從一止大石上命作羹

從者白無水王以劍擊石出水今竹王水是也初楚傾襄王時遣將

莊豪從沅水伐夜郎軍至且蘭極船於岸而

步戰既滅夜郎因留王滇池以且蘭有極船

泮柯處乃改其名為泮柯異物志曰泮柯

地多兩涼俗好巫鬼禁忌寡畜生又無蠶桑

故其郡最貧句町縣有桤根木可以為麩百

姓資之臨海異物志曰桤根木外皮有毛似

中石更利唯中焦根乃致敗耳皮中有似檮

稀米片又似麥麩中作餅餌廣志曰桤根樹

大四五圍長五六丈洪直旁無枝條其顛生

葉不過數寸似樓葉破其木肌堅難傷入數

寸得麩赤黃公孫述時大姓龍傳尹董氏與

郡功曹謝暹保境為漢乃遣使從番禺江奉

貢南越志曰番禺縣光武嘉之並加褒賞桓

帝時郡人尹珍自以生於荒裔不知禮義乃

從汝南許慎應奉受經書圖緯學成還鄉里



教授於是南域始有學焉珍官至荊州刺史

華陽國志曰尹珍字道真母歛孫人也

滇王者莊蹻之後也元封二年武帝平之

其地為益州郡割牂柯越嶲各數縣配之後

數年復并昆明地皆以屬之此郡有池周回

二百餘里水源深廣而未更淺狹有似倒流

故謂之滇池河土平敞多出鸚鵡孔雀有鹽

池田漁之饒金銀畜產之富人俗豪怵怵奢後也

居官者皆富及累世及王莽政亂益州郡夷

棟蠶若豆等起兵殺郡守越雋姑復夷人大

牟亦皆叛殺略吏人莽遣寧始將軍廉丹發

巴蜀吏人及轉兵穀卒徒十餘萬擊之吏士

飢疫連年不能剋而還以廣漢文齊為太守

造起陂池開通溉灌墾田二千餘頃率厲兵

馬修障塞降集群吏甚得其和及公孫述據

益土齊固守拒險述拘其妻子許以封侯齊

遂不降聞光武即位乃閉道遣使自聞蜀平

徵為鎮遠將軍封成義侯取其嘉名於道卒詔為



起祠堂郡人立廟祀之建武八年夷渠帥棟  
蠶與姑復揲榆拊棟連然滇池建伶昆明諸  
種反叛殺長吏姑復縣屬越雋郡餘益州太  
守繁勝與戰而敗退保朱提縣屬犍為郡朱  
十九年遣武威將軍劉尚等發廣漢犍為蜀  
郡人及朱提夷合萬三千人擊之尚軍遂度  
瀘水入益州界瀘水一名若水出旄牛徼外  
經朱提至犍道入江在今雋  
州南特有障氣三月四月經之必死五月以  
後行者得無害故諸葛亮表云五月度瀘  
其艱苦也群夷聞大兵至皆弃壘奔走尚獲其羸

弱穀畜二十年進兵與棟蠶等連戰數月皆

破之明年正月追至不韋孫盛蜀譜曰初秦

族於蜀漢武帝開西南夷置郡縣徙呂氏以  
充之因置不韋縣華陽國志曰武帝通博南  
出直不韋縣徙南越相呂嘉子孫宗族資之  
因各不韋以章其先人惡行也○劉放曰注  
通博南出直不韋又宗族資之案斬棟蠶帥

凡首虜七千餘人得生口五千七百人馬三

千匹牛羊三萬餘頭諸夷悉平肅宗元和中

蜀郡王追為太守政化尤異有神馬四匹出

慎池河中甘露降白鳥見始興起學校漸遷



其俗靈帝熹平五年諸夷反叛執太守雍陟遣御史中丞朱龜討之不能剋朝議以爲郡在邊外蠻夷喜叛勞師遠役不如弃之太尉掾巴郡李顯建策討伐乃拜顯益州太守與刺史龐芝發板楯蠻擊破平之還得雍陟顯卒後夷人復叛以廣漢景毅爲太守討定之毅初到郡米斛萬錢漸以仁恩少年間米至數十云少年未多一年也

哀牢夷者其先有婦人名沙壹居于牢山嘗

捕魚水中觸沉木若有感因懷妊十月產子男十人後沉木化爲龍出水上沙壹忽聞龍語曰若爲我生子今悉何在九子見龍驚走獨小子不能去背龍而坐龍因舐之其母鳥語謂背爲九謂坐爲隆因名子曰九隆及後長大諸兄以九隆能爲父所舐而黠遂共推以爲王後牢山下有一夫二婦復生十九子九隆兄弟皆娶以爲妻後漸相滋長種人皆刻畫其身象龍文衣著尾自此以上並見風俗通也九隆



後漢傳卷之六

死世世相繼哀牢傳曰九隆代代相傳各號

知禁高死子吸代吸死子建非代建非死子

哀牢代哀牢死子桑藕代桑藕死子柳承代

柳承死子柳貌代乃分置小王往往邑居散

在谿谷絕城荒外山川阻深生人以來未嘗

交通中國建武二十三年其王賢栗遣兵乘

箬船箬音蒲佳反縛竹木為箬以當船也南下江漢擊附塞夷

鹿多種今見在鹿多人弱為所禽獲於是震

雷疾雨南風飄起水為逆流翻涌二百餘里

箬船沉沒哀牢之眾溺死數千人賢栗復遣

其六王將萬人以攻鹿多鹿多王與戰殺其

六王哀牢耆老共埋六王夜虎復出其尸而

食之餘眾驚怖引去賢栗惶恐謂其耆老曰

我曹入邊塞自古有之今攻鹿多輒被天誅

中國其有聖帝乎天祐助之何其明也二十

七年賢栗等遂率種入戶二千七百七十口

萬七千六百五十九詣越雋太守鄭鴻降求

內屬光武封賢栗等為君長自是歲來朝貢

未平十二年哀牢王柳貌遣子率種人內屬



其稱邑王者七十七人戶五萬一千八百九

十口五才五萬三千七百一十一西南去洛

陽七千里顯宗以其地置哀牢博南二縣割

益州郡西部都尉所領六縣古今注曰永平

部都尉居嵩唐續漢志六縣謂不合為永昌

郡始通博南山度蘭倉水華陽國志曰博南

越之度蘭行者苦之歌曰漢德廣開不賞度

博南越蘭津度蘭倉為它人哀牢人皆穿鼻

儋耳其渠帥自謂王者耳皆下肩三寸庶人

則至肩而已土地沃美宜五穀蠶桑知染采

文繡蜀毼蜀解見李恂帛豐外國傳曰諸薄

布蘭干細布華陽國志曰織成文章如綾

錦有梧桐木華績以為布廣志曰梧桐有白

華木白蠶取其蠶淹幅廣五尺絜白不受垢

汗先以覆亡人然後服之其竹節相去一丈

名曰濮竹見華陽出銅鐵鉛錫金銀光珠華

國志曰蘭倉水有金沙洗去融為金虎魄廣

有光珠穴博物志曰光珠即江珠也雅日亮魄生地中其上及旁不生草深者八九尺大如斛削去皮成虎魄如斗初時如桃膠



凝堅乃成博物志曰松脂淪入地二千年化為茯苓茯苓千歲化為虎魄今太山有茯苓而無虎魄求昌有虎魄而無茯苓也水精瑠璃軻蟲蚌珠徐衷草物狀曰凡採珠常三月用五牲祈禱若祠祭有失則風攪海水或有大魚在蚌左右蚌珠長三寸半孔雀翡翠犀象猩猩貊獸水經凡二品珠也孔雀形若狗而人面頭顱端正善與人言音聲妙麗如婦人對語聞之無不酸楚南中志曰猩猩在山谷中行無常路百數為羣士人以酒若糟設於路又喜僑子士人織草為履數十鞞相連結猩猩在山谷見酒及僑知其設張者即知張者先祖名字乃呼其名而罵云奴欲張我捨之而去去而又還相呼試共嘗酒初嘗少許又取僑子藟之若進兩三升便大醉人出收之僑子相連不得去執還內牢中人欲取者到牢邊語云猩猩汝可

自相推肥者出之既擇肥竟相對而泣即左思賦云猩猩啼而就禽者也昔有人以猩猩餉封溪令令問餉何物猩猩自於籠中曰但有酒及僕耳無它飲食南中八郡志曰貊大如驢狀頗似熊多力食鐵所觸無不拉廣志曰貊色蒼白其皮温煖雲南縣有神鹿兩頭能食毒草見華陽國志也先是西部都尉

廣漢鄭純為政清絜化行夷貊君長感慕皆獻土珍頌德美天子嘉之即以爲求昌太守純與哀牢夷人約邑豪歲輸布貫頭衣二領鹽一斛以爲常賦夷俗安之純自爲都尉太守十年卒官建初元年哀牢王類牢與守令



忿率遂殺守令而反叛攻越雋唐城

日劉成

唐自是縣屬永昌後人不知妄增越城二字

太守王尋奔揲揄哀

牢三未餘天攻博南燔燒民舍肅宗募發越

雋益州永昌夷漢九千人討之明年春邪龍

縣郡國志曰屬永昌郡也昆明夷酋承等應募率種人

與諸郡兵擊類牢於博南大破斬之傳首洛

陽賜酋承帛萬匹封為破虜傍邑侯永元六

年郡徼外敢忍乙王莫延慕義遣使譯獻犀

牛大象九年徼外蠻及揮國王雍由調揮音

觀作擅字遣重譯奉國珍寶和帝賜金印紫綬小

君長皆加印綬錢帛永初元年徼外僬僥種

夷陸類等三十餘口舉種內附獻象牙水牛

封牛永寧元年揮國王雍由調復遣使者詣

闕朝賀獻樂及幻人能變化吐火自支解易

牛馬頭又善跳丸數乃至千自言我海西人

海西即大秦也揮國西南通大秦明年元會

安帝作樂於庭封雍田調為漢大都尉賜印

綬金銀絲繒各有差也



邛都夷者武帝所開以為邛都縣無幾而地陷為汙澤因名為邛池南人以為邛河在邛州越嶲縣東南南中八郡志曰邛河縱廣岸一十里深百餘丈多大魚長一丈頭特大遙視如戴鐵金狀李膺益州記云邛都縣下有老媪家貧孤獨每食輒有小蛇頭上戴角在牀間媪憐之餵之後稍長大遂長丈餘今有駿馬蛇遂吸殺之令因大忿恨責媪出蛇媪云在牀下令即掘地愈深愈大而無所見令又遷怒殺媪蛇乃感人以靈言曠令何殺我母當為母報讎此後每夜輒聞若雷若風四十許日百姓相見咸驚語汝頭那忽戴魚是夜方四十里與城一特俱陷為湖土人謂之為陷河唯媪宅無恙訖今猶存漁人採捕必依止宿每有風浪輒居宅側恬靜魚從水清猶見城郭樓櫓晏然食水淺時

人沒水取得舊木堅貞光黑如漆今好事人以為枕相贈罽音側○劉放曰注令大忿媪恨責出蛇案文當云後復反叛元鼎六年漢令大忿恨責媪出蛇舊水源出今兵自越嶲水伐之以為越嶲郡邛州邛都縣西南嶺山下前書地理志曰其越嶲水以置郡故名焉其土地平原有稻田青蛉縣禺同山有碧雞金馬光景時時出見禺同山在今褒州揚波縣王褒碧雞頌曰持節使王褒謹作南崖敬移金精神馬縹碧之雞處南之荒深谿回谷非土之鄉歸來歸來漢德無疆廉平唐虞澤配三皇華陽國志曰碧雞光景人多見之前俗多游蕩書音義曰金形似馬碧形似雞也而喜謳歌略與祥柯相類豪帥放縱難得制



御王莽時郡守枚根調邛人長貴以爲軍候  
更始二年長貴率種人攻殺枚根自立爲邛  
穀王領太守事又降於公孫述述敗光武封  
長貴爲邛穀王建武十四年長貴遣使上三  
年計天子即授越嵩太守印綬十九年武威  
將軍劉尚擊益州夷路由越嵩長貴聞之疑  
尚既定南邊威法必行已不得自放縱即聚  
兵起營臺招呼諸君長多釀毒酒欲先以勞  
軍因襲擊尚尚知其謀即分兵先據邛都遂

掩長貴誅之徙其家屬於成都永平元年姑  
復夷復叛益州刺史發兵討破之斬其渠帥  
傳首京師後太守巴郡張翕政化清平得夷  
人和在郡十七年卒夷人愛慕如喪父母蘇  
初叟二百餘人續漢書志曰蘇齋牛羊送喪  
至翕本縣安漢安漢縣屬巴郡起墳祭祀詔書嘉美  
爲立祠堂安帝元初三年郡徼外夷大羊等  
八種戶三萬一千口十六萬七千六百二十  
慕義內屬時郡縣賦歛煩數五年以卷夷大



牛種封離等反畔殺遂久令遂久故縣在明  
牟末昌益州及蜀郡夷皆叛應之衆遂十餘  
萬破壞二十餘縣殺長吏燔燒邑郭剽略百  
姓骸骨委積千里無人詔益州刺史張喬選  
堪能從事討之喬乃遣從事楊竦將兵至揠  
榆擊之賊盛未敢進先以詔書告示三郡密  
徵求武士重其購賞乃進軍與封離等戰大  
破之斬首三萬餘級獲生口千五百人資財  
以千餘萬悉以賞軍士封離等惶怖斬其同

謀深帥詣竦乞降竦厚加慰納其餘三十六  
種皆來降附竦因奏長吏姦猾侵犯蠻夷者  
九十人皆滅死州中論功未及上會竦病創  
卒張喬深痛惜之乃刻石勒銘圖畫其像天  
子以張翕有遺愛乃拜其子端為太守夷人  
懼害奉迎道路曰即君儀貌類我府君後端  
頗失其心有欲叛者諸夷耆老相曉語曰當  
為先府君故遂以得安後順桓閒廣漢馮顯  
為太守政化尤多異迹云



荜都夷者武帝所開以為荜都縣其人皆被髮左衽言語多好譬類居處略與汶山夷同土出長年神藥仙人山圖所居焉劉向列仙傳曰山圖隴西人好乘馬馬蹋折脚山中道士教服地黃當歸走活玄參服之一年不嘗食病愈身輕追道士問之自云五嶽使人之名山採藥能隨吾汝便不死山圖追隨人不復見六十餘年一旦歸來行母服於家元鼎六年以為沉黎郡至天漢四年并蜀為西部置兩都尉一居旄牛主徼外夷一居青衣主漢人永平中益州刺史梁國朱輔好立功名慷慨有大略

東觀記輔作醜梁國寧陵人

在州數歲宣示漢德威懷遠

夷自汶山以西前世所不至正朔所未加白狼獬木唐敢等百餘國戶百三十餘萬口六百萬以上舉種奉貢稱為臣僕輔上疏曰臣聞詩云彼徂者歧有夷之行詩周頌也傳曰歧道雖僻而人不遠韓詩薛君傳曰徂往也夷易也皆曰歧有易道可往歸矣易道謂仁義之道而易行故歧道阻險而人不難詩人誦誅以為符驗今白狼王唐敢等慕化歸義作詩三章路徑邛來大山零高坂山海經曰嶽山弘水



出焉郭璞曰中江所出也華陽國志曰邛來  
山一名邛笮故邛人笮人界也巖阻峻回曲  
折乃至山上一疑水夏結冬則劇寒王陽行部  
至此而退者也亦有長貧若採八度之難陽毋  
閔峻並言詩人雖歎岐  
坂名道之阻但以文  
王之道人以為夷易今邛來峭危甚於岐  
夷之語辭意難正草木異種馬獸殊類有捷  
為郡掾田恭與之習狎頗曉其言臣輒令訊  
其風俗譯其辭語今遣從事史李陵與恭  
護送詣闕并上其樂詩昔在聖帝舞四夷之  
樂解見陳今之所上庶備其一帝嘉之事下

史官錄其歌焉東觀記載其歌并載夷人本

觀夷言以為此注也今錄東遠夷樂德歌詩曰大

漢是治提官與天意合魏冒吏譯平端馬譯

不從我來旁草聞風向化隨衣所見奇異唐知

桑多賜繒布邪賦甘美酒食推潭昌樂肉飛

屈申悉備仍高後蠻夷貧薄僕讓無所報

嗣莫支願主長壽僧鱗子孫昌熾莫緝遠夷

慕德歌詩曰蠻夷所處彼尼日入之部且交

慕義向化隨旅歸日出主陳雜且聖德深恩聖德



渡與入富厚魏菌冬多霜雪綜邪夏多和雨

荏邪寒温時適瀘離部人多有邪涉危歷

險歸險危不遠萬里萬受去俗歸德術疊心歸

慈母仍路遠夷懷德歌曰荒服之外荒服土

地境堉麟麟食肉衣皮阻蘇不見鹽穀鹿沐

吏譯傳風因譯太漢安樂是漢攜負歸仁優

路觸冒險陟險龍高山岐峻倫狼緣崖磻石

扶路測祿木薄發家息落百宿到洛理滙父子同

賜捕獲懷抱匹帛懷素傳告種人傳言長願

臣僕陵陽肅宗初輔坐事免是時郡尉府令

皆有雕飾畫山神海靈奇禽異獸以眩耀之

夷人益畏憚焉和帝末元十二年旄牛徼外

白狼樓薄蠻夷王唐繒等遂率種人十七萬

口歸義內屬詔賜金印紫綬小豪錢帛各有

差安帝永初元年蜀郡三襄種夷與徼外汗

衍種并兵三千餘人反叛攻蠶陵城殺長吏

二年青衣道夷邑長令田令姓與徼外三種

夷三十一萬口齋黃金旄牛牝顧野王曰牝

結毛為飾也



即今馬及也。舉土內屬，安帝增令田，爵號爲  
奉通邑君。延光二年春，旄牛夷叛，攻零關。志零關道屬越嵩郡殺長吏，益州刺史張喬與西部都  
尉擊破之。於是分置蜀郡屬國都尉，領四縣，  
如太守。桓帝永壽二年，蜀郡夷叛，殺略吏民。  
延熹二年，蜀郡三襄夷寇，蠶陵殺長吏。四年，  
犍爲屬國夷寇，郡界益州刺史山昱擊破之，  
斬首千四百級，餘皆解散。靈帝時，以蜀郡屬  
國爲漢嘉郡。

丹隴夷者，武帝所開。元鼎六年，以爲汶山郡。  
至地節三年，宣帝年也夷人以立郡賦重，宣帝乃  
省并蜀郡爲北部都尉，其山有六夷七羌九  
氏，各有部落，其王侯頗知文書，而法嚴重，貴  
婦人，黨母族，死則燒其尸，土氣多寒，在盛夏  
冰猶不釋，故夷人冬則避寒入蜀，爲備夏則  
違暑反，其衆邑皆依山，居止累石爲室，高者  
至十餘丈，爲邛籠。案今彼土夷人呼爲彫也又土地剛鹵，  
不生穀粟麻菽，唯以麥爲資，而宜畜牧，有旄



牛無角一名童牛肉重千斤毛可為氈出名

馬有靈羊可療毒本草經曰零羊角味鹹無毒上療青盲蟲毒去惡鬼

安心氣強中又有食藥鹿鹿麀有胎者其腸中

糞亦療毒疾又有五角羊麀香輕毛髡雞牲

牲郭璞注山海經曰髡雞似雉而青人青色有毛角鬪敵死乃止其久能作

旄氈班窺青頓髦毳羊羖之屬青頓髦羖

書無此二字周書伊尹為四方獻令曰正西

昆侖狗國鬼視積已關耳貫匈雕題離丘漆齒請令以丹青白旄絺窺龍角神龜為獻湯

曰善何承天纂文曰絺氏窺也音卑疑反髦即組特多雜藥地有鹵土煮以為鹽麀羊牛

馬食之皆肥麀即麀狼也異物志狀似鹿而

平綫草中肉肥脆香美逐入林則搏之皮可作履麀角正四據南人因以為牀音子兮反

其西又有三河槃于虜北有黃石北地盧水

胡其表乃為徼外靈帝時復分蜀郡北部為

汶山郡云

白馬氏者武帝元鼎六年開分廣漢西部合

以為武都土地險阻有麻由出名馬牛羊漆

蜜氏人勇戇抵冒貪貨死利居於河池一名

仇池方百頃四面斗絕仇池山在今成州上祿縣南三秦記曰仇



池縣界本名仇維山上有池故曰仇池山在倉洛二谷之間常為水所衝激故下石而上上形似覆壺仇池記曰仇池百頃周回九千四步天形四方壁立千仞自然樓櫓敵分置調均疎起數丈有踰人功仇池九十二道可攀緣而上東西二門盤道下至上九有七里上則岡阜低昂泉流交灌元注水經云羊腸盤道三十六回開山圖謂之仇夷所謂積石峨嵋嶽岑隱阿者也上有平田百頃煮土成鹽因以百頃為度也數為

邊寇郡縣討之則依固自守元封三年氏人反叛遣兵破之分徙酒泉郡昭帝元鳳元年氏人復叛遣執金吾馬適建姓馬適建也龍頷侯韓增大鴻臚田廣明將三輔太常徒討破之

及王莽篡亂氏人亦叛建武初氏人悉附隴蜀及隗頭滅其酋豪乃背公孫述降漢隴西太守馬援上復其王侯君長賜以印綬後頭族人隗茂反殺武都太守氏人太豪齊鍾留為種類所敬信威服諸豪與郡丞孔奮擊茂破斬之後亦時為寇盜郡縣討破之論曰漢氏征伐戎狄有事邊遠蓋亦與王業而終始矣至於傾沒疆垂喪師敗將者不出時歲卒能開四夷之境款殊俗之附若乃文

後漢書卷一百一十五



約之所沾漸風聲之所周流幾將日所出入  
處也文約謂文書要約也著自山經水志者亦略及焉

雖服叛難常威澤時曠及其化行則緩耳雕

腳之倫獸居鳥語之類緩耳修耳也獸居謂穴居莫不舉

種盡落回面而請吏陵海越障累譯以內屬

焉故其錄名中郎校尉之署謂護匈奴中郎將及戊巳校尉

等編數都護部守之曹○劉攽曰案此力以

數百萬計若乃藏山隱海之靈物沉沙棲陸

之瑋寶珠玉金碧珊瑚鹿魄之類莫不呈表怪麗雕被官

幄焉又其實帑火毳馴禽封獸之賦軫積於

內府火毳即火浣布也馴禽鸚鵡也封獸象

四五里生不燼之木晝夜火然得烈風不猛

暴雨不滅火中有鼠重百斤毛長二尺餘細

如絲恒居火中時時出外而色白以水逐沃

之即死續其毛織以作布用之若汗以火燒

之則清潔也傳子曰長老說漢桓時梁冀作

火浣布單衣會賓客行酒公卿朝臣前伴

酒失杯而汗之冀偽怒解衣而燒之布得火

燁然而熾如燒几布若盡火滅聚然絮白如  
水澣也○劉攽曰正文軫積於內府案軫字誤當作軫字夷歌巴舞殊音  
異節之技列倡於外明豈柔服之道必足於  
斯然亦云致遠者矣蠻夷雖附阻巖谷而類



有土居連涉荆交之區布護巴庸之外不可  
量極然其凶勇校筭薄於羌狄故陵暴之害  
不能深也西南之徼尤為劣焉故關守永昌  
肇自遠離啓土立人至今成都焉  
言肇自遠離  
乃歸中國故  
鹿豸不得

贊曰百蠻蠢居仍彼方徼鑊體卉衣憑深阻

峭身也卉衣也鑊體文卉衣憑深阻

差聚落紆餘岐道往化既孚改襟輸寶孚信

也社俾建永昌同編億兆也襟

南蠻西南夷列傳第七十六終 張 王 校正

百蠻

後漢書卷七十九 南蠻西南夷列傳第七十六 終



